



Broj: 06-14-10499/17

Datum: 13.03.2017.godine

Na osnovu čl. 14. stav (4), 18. stav 1. i 25. Zakona o javnim nabavkama ("Službeni glasnik BiH", broj 39/14), člana 1. tačka (a) pod (2) Pravilnika sa popisom ugovornih organa koji su obavezni primjenjivati Zakon o javnim nabavkama („Službeni glasnik BiH“, broj 21/15) , Pravilnika o uslovima i načinu korištenja E-aukcije („Službeni glasnik BiH“, broj 66/16), Plana javnih nabavki za 2017. godinu broj: 06-14-1886-1/17 od 24.01.2017. godine, čl. 22. stav (4) i 23. Pravilnika o javnim nabavkama Ministarstva za boračka pitanja Kantona Sarajevo broj: 06-02-2257/16 od 21.01.2016. godine, postupajući po prijedlogu sektora za boračko invalidsku zaštitu od 09.01.2017. godine, ministar za boračka pitanja Kantona Sarajevo, d o n o s i

ODLUKU

o pokretanju otvorenog postupka za nabavku i isporuku ogrijeva
za socijalno najugroženije pripadnike boračke populacije
Kantona Sarajevo za 2017. godinu
Otvoreni postupak
JRJN: 03413000-8 Drvo za ogrijev

Član 1.

Odobrava se pokretanje otvorenog postupka javne nabavke (roba) : Nabavka i isporuka ogrijeva za socijalno najugroženije pripadnike boračke populacije Kantona Sarajevo za 2017. godinu.

Procijenjena vrijednost javne nabavke (bez PDV-a) iznosi 213.000,00 KM (slovima: dvijestotinetrinaestkonvertibilnihmaraka).

Za provođenje javne nabavke osigurana su sredstva u Budžetu Ministarstva za boračka pitanja Kantona Sarajevo na poziciji 614200DAM003.

Javna nabavka će se provesti putem otvorenog postupka, primjenom E-aukcije u skladu sa Pravilnikom o uslovima i načinu provođenja E-aukcije („Službeni glasnik BiH“, broj 66/16).

Postupak javne nabavke provest će se u skladu sa Zakonom o javnim nabavkama, podzakonskim i internim aktima.

Član 2.

Tendersku dokumentaciju sačinjit će Komisija imenovana Odlukom ministra broj 06-14-1989/17 od 24.01.2017. godine i ista će biti objavljena na Portalu javnih nabavki zajedno sa obavještenjem o nabavci.

Član 3.

Kriterij za dodjelu ugovora je najniža cijena uz korištenje mogućnosti E-Aukcije koja će se provesti u skladu sa Pravilnikom o uslovima i načinu korištenja E-Aukcije („Službeni glasnik BiH“, broj 66/16).





Član 4.

Otvaranje i ocjenu ponuda provest će Komisija za javne nabavke imenovana Odlukom ministra za boračka pitanja Kantona Sarajevo broj: 06-14-1989/17 od 24.01.2017. godine., u sastavu od 5 članova i sekretara, slijedeće kvalifikacione strukture:

1. Safet Baltić, Predsjedavajući Komisije
2. mr. Belma Adilović, član Komisije
3. Velid Imamović, član Komisije
4. Rasim Duraković, član Komisije
5. Denalda Poljak, član Komisije
6. mr.Elzira Arifhodžić, sekretar Komisije

Član 5.

Za realizaciju ove javne nabavke zadužuje se Sektor za boračko invalidsku zaštitu Ministarstva za boračka pitanja Kantona Sarajevo.

Član 6.

Ova Odluka stupa na snagu danom donošenja.

O b r a z l o ž e n j e

Sektor za boračko invalidsku zaštitu Ministarstva za boračka pitanja Kantona Sarajevo dostavio je dana 09.01.2017. godine prijedlog za pokretanje postupka nabavke i isporuke ogrijeva za socijalno najugroženije pripadnike boračke populacije Kantona Sarajevo za 2017. godinu zbog velikog broja korisnika koji imaju potrebu za dodjelom ove vrste pomoći.

Uz prijedlog za pokretanje postupka priložen je i tačan opis predmeta nabavke za korisnike koji ispunjavaju uslove za istu.

U postupku po prijedlogu sektora za BIZ utvrđeno je da je isti osnovan i da sadrži sve potrebne elemente za odlučivanje, u skladu sa članom 23. Pravilnika o javnim nabavkama Ministarstva za boračka pitanja Kantona Sarajevo.

Pri donošenju ove Odluke Ministar se posebno rukovodio činjenicom da je predložena nabavka planirana Planom nabavki za 2017. godinu broj 06-14-1886-1/17 od 24.01.2017. godine – pod rednim brojem 3., da je realno procijenjena njena vrijednost na tržištu, da su obezbijedena sredstva za isplatu, predložena odgovarajuća vrsta postupka, te da predloženi sastav Komisije po stručnosti odgovara predmetu javne nabavke.

Na osnovu utvrđenog činjeničnog stanja, odlučeno je kao u članu 1. ove Odluke.

Dostaviti:

- Sektoru za ekon.posl.i projekte
- a/a.



MINISTAR
mr. Muharem Fišo

